



UNIVERSITÄTS-
BIBLIOTHEK
PADERBORN

Universitätsbibliothek Paderborn

Tractatus De Libertatibvs Ecclesiæ Gallicanæ

Charlas, Antoine

Leodii, 1684

Cap. IX. Vtrum legi parendum sit, dum dubia est ejus justitia, aut non evidens ejus recusandæ ratio.

urn:nbn:de:hbz:466:1-38227

84 TRACTATVS DE LIBERTATIBVS,
legitima ratione non abrogatæ: Quod ex verbis sequentibus
colligitur, sicut ab eis (Pontificibus) statuta sunt, in sui vigoris
stabilitate custodiare.

12. Denique verba illa Philippi II. Francorum Regis à
Marca loco citato exscripta. Ecclesia non recipit quamplures Canones,
qui per desuetudinem abierunt, vel ab initio non fuere recepti intelligi debent
de Canonibus ab Ecclesia Romana non receptis v. g. Trulla-
nis, vel cum consensu expresso, aut tacito summorum Pon-
tificum in usum non redactis. Nec enim illud Philippi testi-
monium, aut alia supra relata definiunt posse subditos, su-
periorum, justas suas leges acceptari, & observari contem-
dantium, voluntati, sine peccati reatu obfistere.

C A P U T I X.

*Vtrum legi parendum sit, dum dubia est ejus iustitia, aut
non evidens eius recusandæ ratio.*

1. V erendum non est, ne universa Ecclesia, vel etiam
summus Pontifex, aliquid præcipiat legi Divinæ,
aut naturali contrarium; sed neque de quo dubium sit, an
adversetur, nec ne? Unde non de hujusmodi dubio hic insti-
tuitur quæstio, quæ certè non tam facile solveretur. Vide-
tur enim ex una parte, quod quemadmodum Deo obedien-
dum est magis quam hominibus, si apertè contraria præci-
piant, ut qui hunc ordinem invertat, culpæ, ac poenæ reus
sit; Ita etiam cum periculum est, ne in adimplendo homi-
nis præcepto subditus Divina mandata transgredietur, hujus-
modi mandatum prætermittendum sit, quia hoc ipso quod
quis se peccandi periculo committit (committit autem quis-
quis id agit, quod dubitet, an Deo displiceat) in peccatum
incurrit. Aliunde tamen S. Augustinus relatus Canone: *Quid
culpatur 23. quæstione 1. supponit posse (nescio an non etiam
debere) superiori præcipienti obtemperari, non modò si cer-
tum sit, id, quod præcipitur Deo non displicere, sed et si
displicere certum non sit. Docet enim posse militem bellare
jubente Principe, in quo proximi fortunæ, ac vita ipsa im-*
peti-

petitur , dummodum certum non sit , bellum illud esse Divinâ lege vetitum , atque adeò dubium sit , num hosti fiat injuria ; posseque contingere , utreus sit , qui præcipiat , innoxius qui obsequatur ; vir *iustus* , sunt verba S. Augustini , si forte etiam sub Rege homine sacrilego militet , rectè potest illo subente bellare ; si vice pacis ordinem servans , quod sibi jubetur , VEL NON ESSE CONTRA DEI PRÆCEPTVM CERTVM EST , VEL VTRVM SIT , CERTVM NON EST : Ita ut fortasse reum faciat Regem iniquitas imperandi : innocentem autem militem ostendat ordo serviendi . Rideretur ut insanus , nedum plecteretur ut reus , miles , qui ad bellum proficiuntur à Principe causaretur , quod sibi non satis esset perspecta belli iustitia . Principis est , præcepti cauñas , & iustitiam discutere , subditorum autem parere ; nisi norint Principem majorem id prohibere .

2. Sanè qui tūm etiam obediendum sentit , cūm non constat an lex Divinis mandatis sit conformis , an contraria ; quomodum non arbitraretur præstandam obedientiam , cūm nullum est de peccato , vel de peccati periculo dubium , sed tantum , an nimium gravis sit lex , ambigitur , aut ex alio capite , quām ex peccandi timore oritur iustitiæ suspicio .

3. Nulla est societas , in qua erroris , ac temeritatis non insimuletur quisquis , dum inferior cum superiore contendit circa præcepti obligationem præferendam afferat : inferioris sententiam . Mente percurrentur Cœtus omnes , non solum in quibus Principis potentia , etiam dum officii sui terminos prætergreditur , mutam extorquet obedientiam , aut in quibus votum ad obedientiam arctius constringit , sed & alii omnes : vix unum invenias , in quo universi omnino persuasum non habeant , & omnino indubitatum ; Rectoris judicium in dubiis circa obedientiam , inferiorum opinonibus esse anteponendum , eosq; omnes in regiminis regulas peccare , qui obedientiam negent sub prætextu , quod evidens non sit mandati æquitas .

4. Tantus est uniuscujusque erga seipsum amor , tamque altis radicibus infixum in omnium hominum cordibus libertatis , & independentiæ desiderium ; tam accensum , ac fervens propriæ commoditatis , & utilitatis privatæ studium ;

86 TRACTATVS DE LIBERTATIBVS,
ut si dubium sufficiat ad excusandam legum rejectionem , dis-
solvendus sit omnis obedientiæ nervus ; Quotus enim quis-
que est , cui mens , privati amoris stimulo excitata , dubitan-
di rationes non subministret , quandoquidem tot sunt qui-
bus injusta videntur , quæ justissima cernuntur ab aliis om-
nibus , qui æquo animo de illis judicant . Quin etiam non
defunt qui apertum scelus non solum injustum non agnos-
cant , sed & laudabile existiment , quemadmodum Judæi
Apostolos interficientes arbitrabantur obsequium se pœsta-
re Deo .

5. S. Gregorius Magnus in cap. 15. lib. 1. Reg. expo-
nens verba hæc Samuelis ad Saulem , quasi peccatum ariolandi est
repugnare ; & quasi scelus idolatriæ molle acquiescere ; Inferioribus de
superiorum mandatis sententiam ferendi tantum abest ut li-
bertatem relinquat , ut etiam licentiam illam maximi crimi-
niis arguat . Qui repugnant , inquit , Prælatorum imperiis , ideo utique
repugnant quia Divinam voluntatem se seire metiūt astinunt . Quasi ergo pe-
ccatum ariolandi est repugnare , quia , velut Divino Altari contempta , ad
arias Demonum responsa percipiunt , dum cordis sibi prestigiosis , ac superbis
ad inventionibus credunt ; & salutaribus Prælatorum consiliis contraria sentien-
do refragantur . Quocirca tam acriter increpatus est à Samuele
Saul , licet iste proprio crederet officio fecisse satis . Näm
corripienti quod Dei vocem non audivisset , inquit , respondit ,
audivi vocem Domini , & ambulavi in via , per quam misisti me Dominus 1.
Reg. 15. vers. 20. Præceptum quidem ad litteram non fuerat
executus : sed præterquam quod in re , ut videbatur , par-
va illud transgressus fuerat , majorem se Deo gloriam procu-
raturum , si sacrificium offerret , existimaverat ; Tuit autem ,
inquit , de preda populus oves , & boves primicias eorum , quæ casæ sunt ,
ut immoleat Domino Deo suo in Galgalis .

6. Joannes Gersonius , cuius verba huc distulimus , obe-
diendum in dubio statuit in tract. de vit. spirit. lect. 4. hoc
est enim Corollarium 8. Occurrente dubio probabilitate aliqua lege , utrum
Divina sit , aut Divina connexa , seu pertinens , tutius est legem illam pro
Divina suscipere , quam humanam negligere . TENE CERTVM (con-
sulit Augustinus) ET DIMITTE INCERTVM . Consilium
dumtaxat , non præceptum his verbis contineri crederes ,
nisi statim sequeretur ; Est itaque regula Magistralis quod exponens

se

se discrimini peccati mortalis peccat mortaliter, & hanc fundat dictum Sapientis: Qui amat periculum peribit in illo. 7. Nicolaus Cusanus, quem D. Petrus de Marca lib. 2. cap. 16. num. 8. adducit, ut probet necessariam acceptationem legum, ut vim obligandi habeant, quod scripsit initio Concilii Basileensis, postea, vel explicavit, vel tractavit. sic enim, ait Epist. 1. quæ est ad Rodegicum de Trevino Archidiaconum Oratorem Regis Castellæ in Dieta Francofurtensi anno 1442. die 20. Maij scripta; UBI VERÒ IPSE PRÍNCEPS EA FIERI MANDARET, QVÆ AD FINEM ADIEFICATIONIS ECCLESIAE ILLI CREDITÆ NON TENDERENT, NON PROCEDERET IVSSIO A PRINCIPATV; QVARE EI TVNC OBEDIRE NON ESSET NECESSSE. Si vero dubium esset, & de mente sacri Principis non constaret: pro sacro Principe presumendum est, quod recte credita potestate utatur & ipsi obediendam est.

8. Franciscus de Victoria Universitatis Parisiensis Alumnus relect. 4. propositionem 16. hanc astruit. Non spectat ad subditos determinare, aut examinare quid posset Papa, aut quid non posset & quonodo tenet parere vel non. Probatur. Quia sacrilegium est disputare de Potentia Principis, & præcipue Pape 17. quest. 4. §. Committitur, & sequent. 2. quia hoc ipsum determinare, que sit potestas spiritualis aliquis, est jurisdictione, & est pars gubernationis, que non spectat ad subditos, sed tamen erga superiores; ergo hoc non convenit illis. 3. quia profecto hoc esset turbationem, & dissolutionem Ecclesiastice Hierarchie & autoritatis, si quilibet posset dicere, Papa non potest, & hoc modo eximeret se a mandatis Papa, & esset manifestum nutrientium inobedientiam, & schismatum, & hereticum. IMO HINC NATA SVNT HÄRESES, ut ait Cyprianus, QVOD SACERDOTI DEI, VEL PAPA NON OBEDITVR; sed quilibet audet dicere, quod Papa male facit, & quod non potest facere; Et ideo etiam si Papa erraret, melius esset, ut in omnibus illi pareatur, quam per hoc quod unus habeat licentiam non parendi Papa in uno casu furfan rationabili, dare occasionem, ut alii non pareant etiam in justis, & honestis.

9. Præsidentium est quid inferioribus utilius sit decernere, atque ad illud implendum amore, interdum etiam timore, inducere; Subditorum etiam non solum vires, sed & affectus plerumque convenient explorare antequam lex illis imponatur:

88 TRACTATUS DE LIBERTATIBVS,
tur : non ità tamen ut bonum publicum negligatur , ne of-
fendatur multitudo : subditorum autem est obedire , sed co-
rum maximè , qui , & ipsi aliis præsunt . Debent enim
obedientiam superioribus suis præstare , ut eam à suis infe-
rioribus faciliùs obtineant.

C A P U T X.

*Utrum nova Ecclesie Decreta in Gallia obligent , si prius
examinata , & à Curiis secularibus recepta
non fuerint.*

1. **D**Um Conventus Bituricensis in examinandis Concilii Basiliensis Decretis aliquid immutandum , aut tem- perandum judicabat , non id sua posse autoritate præstare , sed à Concilio ipso postulari debere sentiebat , ut in Pragma- tica Sanctione frequenter notatur . Verùm libertates Eccle- siae tunc temporis inductæ , processu temporis eo devenerunt , ut non solum summorum Pontificum Constitutiones , sed etiam Conciliorum œcumenicorum Canones , nisi circa fi- dem , non valere dicantur , antequam à Parlamentis fuerint discussa , & , ut illic dicitur , verificata . Id satis expresse affirmat Carolus Fevretus lib. 1. cap. 4 num. 11. 24. 25. Fatetur ille quidem , Galliam suis libertatibus uti cum taci- to Romanorum Pontificum consensu , & Petrus de Mar- ca lib. 3. cap. 6. num. 5. *cum bona summorum Pontificum venia* , sed ipsis etiam nonnunquam invitis Conciliorum Decreta re- pudiantur ; quod utrum jure fiat , videndum est in hoc ca- pite.

2. Non quærimus jam , utrum quando Rex legitima sua jura impeti metuit , damnum præcavere possit , adhibito Actuum , qui à Curia Romana emanant , examine , aut à Clero , & populo suo manifestam injuriam propulsare , sed an in Gallia Judicum , & aliorum fidelium tuta sit con- scientia , si Ecclesie universæ , aut sanctæ Sedis manda- ta , circa res spirituales , & Ecclesiasticas non eviden- ter injusta rejiciantur , aut non acceptentur à Senatu , à Clero